

全漢三國晉南北朝詩

第二函
五十一冊

全梁詩卷十三

無錫丁福保仲祐編纂

王臺卿

梁南平王世子恪除雍州刺史賓客有江仲舉蔡蕪王臺卿庾仲容四人俱被接遇按臺卿詩多與簡文倡和廣弘明集曰州民前臣刑獄參軍王臺卿○以下爵里無考

陌上桑四首

鬱鬱陌上桑盈盈道傍

樂苑作陌上

女送君上河梁拭淚不能語

鬱鬱陌上桑遙遙山下蹊君去成萬里妾來守空閨

鬱鬱陌上桑皎皎雲間月非無巧笑姿皓齒爲誰發

鬱鬱陌上桑裊裊機頭絲君行亦宜返今夕是何時

陌上桑

一云蕭子顯作非是

令月開和景處處動春心挂筐須葉滿息倦重枝陰

雲歌

玉雲初度色金風送影來全生疑魄暗半去月時開欲知無去

樂府作處

所

一爲上陽臺

一旦歌

樂府無名次王臺卿詩後

一旦被頭痛避頭還着牀自無親伴侶誰當給水漿匍匐入山院正逢
虎與狼對虎低頭啼垂淚淚千行

和簡文帝賽漢高祖廟

沐芳事椒醕駕言遵壽宮瑤臺斜接岫玉殿上凌空樹出垂巖影竹引
帶山風階長霧難歇窓高雲易通所悲樽俎撤按歌曲未終

奉和望同泰寺浮圖

和簡文
下同

朝光正晃朗涌塔標千丈儀鳳異靈烏金盤代仙掌積栱成雕桷高簷
挂珠網寶地若池沙風鈴如樹響刻削生千變丹青圖萬象煙霞時出
沒神仙乍來往晨霧半層生飛幡接雲上遊蛻不敢息翔鷗詎能仰讚
善資哲人流詠歸明兩願假舟航末彼岸誰云廣

奉和往虎窟山寺

我王宗勝道駕言從所之輜軒轉朱轂驪馬躍青絲清渠影高蓋遊樹
拂行旗賓徒紛雜沓景物共依遲飛梁通澗道架宇接山基叢花臨迥
砌分流繞曲墀誰言非勝境雲山獨在茲塵情良易著道性故難縉承

恩奉教義方當弘受持

奉和泛江

初學英華
並作庾信

春江下白帝書舸向黃牛錦纜迴沙磧蘭橈避荻洲濕花隨水泛空巢
逐樹流建平船柅下荆門戰艦浮岸社多喬木山城足迴樓日落江風
靜龍吟迴上游

山池應令

和簡
文

歷覽周仁智登臨歡豫多穿渠引金谷闢道出銅駝長橋時跨水曲閣
乍臨波巖風生竹樹池香出芰荷石幽銜細草林末度橫柯

詠風

浸淫不可識去來非有情乍見珠簾捲時覺洞房清暫拂蘭池上澹淡
玉波生一辯雄雌異還惡庶人輕

詠箏

依歌時轉韻按曲動花鈿促調移輕柱亂手度繁絃惟有高秋月秦聲
未可憐

同蕭治中十詠二首

蕩婦高樓月

空庭

或作度

高樓月非復三五圓

玉臺作五三年

何須照牀裏終是一人眠

南浦別佳人

歛容送君別一歛無開時只應待相見還將笑解眉

詠水中樓影

和簡文

飄飄似雲度亭亭如蓋浮熟看波不動還是映高樓

臨滄波

高軒臨不測清江窮廣深天邊生岸影水上結雲陰風來白華起潮滿

黃沙沈闕

王罔

梁南徐州治中有集三卷

長安有狹邪行

名都馳道傍華轂亂鏘鏘道逢佳麗子問我居何鄉我家洛川上甲第遙相望珠屏玳瑁牀綺席流蘇帳大子執金吾次子中郎將小子陪金

馬遨遊蔑卿相三子俱休沐風流鬱何壯三子俱會同肅雍多禮讓三子俱還室絲管紛嘹樂府作寥亮大婦裁舞衣中婦學清唱小婦窺鏡影弄此朝霞狀佳人且少留爲君繞梁唱

奉和往虎窟山寺

和簡文

美境多勝迹道場實茲地造化本靈奇人功兼製置房廊相映屬堦閣並殊異高明留睿賞清淨穆神思豫遊窮嶺歷藉此方春至野花奪人眼山鶯紛可喜風景共鮮華水石相輝媚法像無塵染眞僧絕名利陪遊旣伏心聞道方刻意

朱記室

送別不及贈何殷二記室

憑軾徒下淚裁書路已賒遠鼓依林響連檣倚岸斜山開雲吐氣風憤浪生花卽此余傷別何論爾望家二君勗琬琰無使沒泥沙

何寘南

答何秀才

自憐耿不寐擁褐至宵闌蒼茫曙月落切戾曉風酸終朝長守饑疊夜
抱餘寒周道坦且直弱命湓將殫靈臺聊寄止戚里豈餘歡思家無積
歛何以拯急難

沈繇

答何郎

歡戚遞來事聚散居常理但傷膠投漆忽作弦離矢形影一東西山川
俄表裏執手涉梁上悲心萬端起方同兒女泣况此流潮水

孫擢

答何郎

幽居少怡樂坐靜對嘉林晚花猶結子新竹未成陰夫君阻清切可望
不可尋處處多護草賴此慰人心

江革

贈何記室聯句不成

龍鱗無復彩鳳翅於茲鍛疇昔似翩翩今辰何乙乙

又贈何記室

刻猴雖言巧辯對今知章且欣共卮酒勿道濫衣裳

李鏡遠

詠日

始臨東嶽觀俄升若木枝萍實詎儔彩合扇且慙規北林耿初曜圓窓
鑒早曦照庭餘雪盡映簷溜滴垂徘徊匝花樹煜爚滿春池柳陰裁靡
靡簾影復離離曾泉豈亭舍淮南子曰日至會泉是爲早食桑榆忽在斯廻戈安得中長繩
不可羈冲情愛景落清宴惜光馳溫暉徒已荷深心竊自知

螻蝶行

青年

樂府作青春

已布澤微蟲應節歡朝出南園裏暮依華葉端菱舟追或易

風池度更難羣飛終不遠還向玉階蘭

朱超道

朱超朱超道朱越各詩集所載名多互見疑是一人之作今從詩彙併載而於各題下仍分註本名以俟考訂

採蓮曲

朱超

豔色前後發緩櫂去來遲看妝礙荷影洗手畏菱滋摘除蓮上葉挖出

藕中絲湖裏人無限何日滿船時

贈王僧辨

朱超

故人總連率方舟下漢池玉節交橫映金繞前後吹聚圖匡漢業傾產
救韓危昔時明月夜蔭羽切高枝冲天勢已遠控地力先疲各言獻捷
後幾處泣生離

別劉孝先

朱超道○詩彙
作何遜者非

疲痼積未瘳伏枕倦長愁復念夜分首江上值徂秋陰凝變遠色落葉
泛寒流繁霜積曉纜輕冰繞夜舟曳裾出兔苑引領望龍樓勿念經臺
側無爲戚情遊

別席中兵

朱超道

數年共棲息一旦各聯翩莫論行近遠終是隔山川長波漫不極高岫
鬱相連急風亂還鳥輕寒靜暮蟬扁舟已入浪孤帆漸逼天停車對空
渚悵

集作
長

望轉依然

夜泊巴陵

朱超

月夜三江靜雲霧四邊收淤泥不通挽寒浦劣容舟迴風折長草輕冰斷細流古村空列樹荒戍久無樓

歲晚沈痾

朱超道

風將夜共靜空與月俱明燭滴龍猶伏鑪開鳳欲驚葉飛林失影冰合湖無聲太息興牀念寧敢離衣行唯畏殘藤盡不聞桴鼓鳴

對雨

朱超

當夏苦炎埃習靜對花臺落照依山盡浮涼帶雨來重雲吐飛電高棟響行雷灑樹輕花發滴沼細萍開汎沫縈堦草奔流起砌苔無因假輕蓋徒然想上才

詠同心芙蓉

朱超

青山麗朝景玄峯朗夜光未及清池上紅葉並出房日分雙蒂影風合兩花香魚驚畏蓮折龜上礙荷長雲雨留輕潤草木隱嘉祥徒歌涉江曲誰見緝爲裳

奉和登百花亭懷荆楚

和元帝○
朱超道

亭高登望極春心遠近同莫恨荆臺隱雲行不礙空柳色浮新翠蘭心帶淺紅若因鵬舉便重上龍門中

賦得蕩子行未歸

藝文作朱越玉臺作朱超道

坐樓愁出望息意不思春無奈園中柳寒時已報人捉梳羞理鬢挑朱懶向脣何當上路晚風吹還騎塵

舟中望月

朱超

大江闊千里孤舟無四鄰唯餘故樓月遠近必隨人入風先遶暈排霧急移輪若教長似扇堪拂豔歌塵

詠孤石

朱超

侵霞去日近鎮水激流分對影疑雙闕孤生若斷雲遏風靜華浪騰煙起薄嚙雖言近七嶺獨立不成羣

詠鏡

朱超道

折花須自插不用暫臨池當由可憐面偏與鏡相宜安釵釧獨響刷鬢袖俱移唯餘心裏恨影中恆不知

詠貧

初學作朱昇
藝文作朱超

觸途皆可試惟貧獨未安
窓開兩片月霜足一重寒
藁濕鋪牀冷荷脆
補衣難若言爲客易推劍與君彈

詠剪綵花

朱超

淺深依樹色舒卷聽人裁
假令春已度終住手中開

城上烏

朱超

朝飛集帝城猶帶

一作

夜啼聲近日毛雖煖聞弦心尙驚

詠獨栖鳥

朱超

河水聞寒已成凍
塞草愁霜懸自衰
可念無端失林鳥
此夜逆風何處歸
列網遮山不聽度
懸冰繞樹滑難依
細石似燕能隨雨
片木作鳶猶解機
但令積風多少便
何患有翼不能飛
寄語故林無數鳥
會入羣裏比毛衣

戴嵩

釣竿

英華作劉孝
威今從樂府

試持玄渚釣暫罷池陽獵翠羽飾長綸葉花裝小牒鈎樂府作鉅利斷蓴絲

帆樂苑作汎舉牽菱葉聊載前魚童還看後舟妾

君子行

畫野依德星開闢對廉水接越稱交讓連樹名君子數非唯二失升階
無三止探甌不疑塵正冠還避李寄言蘧伯玉無爲嗟獨恥

從軍行

長安夜刺閨夜警按刺於門也胡騎白銅鞮詔書發隴右召募取關西劍懸三尺

鞘鎧累樂府作暴七重犀督軍鳴戰鼓巡樂府作遄誤夜數更鞞樂府作鞞侵星出

柳塞際晚入榆溪秦涇含藥鳩晉火逐飛鷄通泉開地道望敵豎雲梯

陰山日不暮長城風自淒弓寒折錦鞬鞬字林云雜錦以被弓也馬凍滑斜蹄燕旗竿

上脆樂府作晚疑誤羌笛管中嘶登山試下趙憑軾且平齊當今函谷上唯用樂苑

見作一丸泥

煌煌京洛行

欲知佳麗地爲君陳帝京由來稱俠窟爭利復爭名鑄銅門外馬刻石

水中鯨黑龍過飲渭丹鳳俯臨城羣公邀郭解天子問黃瓊詔幸平陽

第

樂苑作地

騎指伏波營五侯同拜爵七貴各垂纓衣風飄颻起車塵暗浪

生舞見淮南法歌聞齊后聲揮金留客坐饌玉待鐘鳴獨有文園客偏
嗟武騎輕

月重輪行

初學作戴嵩或字誤也

呈基屬明兩副德表重輪重輪非是暈桂滿自恆春海珠含更滅階
堦翳且新婕妤比團扇曹王譬洛神浮川疑讓一作璧入戶類燒銀從來
看顧兔不曾聞鬪麟北堂豈盈手西園偏照人

神仙篇

徒聞石爲火未見坂停丸暫數盈虛月長隨晝夜瀾辭家試學道逢師
得姓韓閭山金靜室蓬丘銀露壇安平醞仙酒渤海轉神丹初飛喜退
鳳新學法乘鸞十芒生月腦六燄起星肝流一作飛樂府闕一字瓊播疑俗信玉類
陽官玄都宴晚集紫府事朝看謝手今爲別進憐此俗難

車馬行

鞏洛風塵處冠蓋相填咽多稱魏其冷競隨田蚡熱輪趣白虎第珂聚
黃金穴獻酒悉葡萄訓言盡飛鐵東都虵已鑄西山綬應結期集類蒸
煙晚至如吹雪子雲爾何事門巷無車轍

度關山

昔聽隴頭吟平居已流涕今上關山望長安樹如薺千里非鄉邑四海

皆兄弟

樂府作百
姓爲兄弟

軍中大體自相褒其間得意各分曹博陵輕俠皆無位

幽州重氣本多豪馬銜苜蓿葉劍瑩

樂府
作寶

鵬鷄膏初征心未習

樂府註
一作息

復

值鴈飛入山頭看月近草上知風急笛喝曲難成笳繁響還澁武帝初
承平東伐復西征薊門海作塹榆塞冰爲城催令四校出倚望三邊平
箭服朝來動刀環臨陣鳴將軍一百戰都護五千兵且決雄雌眼前利
誰道功名身後事丈夫意氣本自然來時辭第

或作
弟

已聞

或作
開

天但令

此身與命在不持烽火照甘泉

詠歌

一作
欲眠

拂枕薰紅裯迴燈復解衣傍邊知夜永

一作
久

不喚定應歸

沈君攸

後樂人

採桑

南陌落花

樂府作光

移蠶妾畏桑萎逐便牽低葉爭多避小枝摘駛籠行滿

攀高腕欲疲看金怯舉意求心自可知

採蓮曲

平川映晚

樂苑作曉

霞蓮舟泛浪華衣香隨岸遠荷影向流斜度手牽長柄

轉櫂避疎花還船不畏滿歸路詎嫌賒

薄暮動弦歌

柳谷向夕沈餘日蕙樓臨砌徙斜光金戶半入蒸林影蘭徑時移落藥
香絲繩玉壺傳綺席秦箏趙瑟響高堂舞裙拂履喧珠珮歌響出扇繞
塵梁雲邊雪飛弦柱促留賓但須羅袖長日暮歌鍾恆不倦處處行樂
爲時康

羽觴飛上苑

上路薄晚風塵合禁苑初春氣

樂府作風

色華石徑斷絲闌蔓草山流細沫

擁浮花

外編作樣

魚文熠燿含餘日鶴蓋低昂照落霞隔樹銀鞍喧寶馬分

衢玉軸

樂府作賦

動香車車馬處處盡成陰班荆促席對芳林藤杯屢動情

仍暢翠樽引滿趣彌深山陽倒載非難得宜城醇醪促須斟半醉驪歌

應可奏上客莫慮擲黃金

桂櫂泛河中

黃河曲注

樂府作渚

通千里濁水分流引八川仙查逐源終未極蘇亭

一作漢帝

遺

跡上

樂府作尚

難遷眇眇雲根侵遠樹蒼蒼水氣合

樂府作雜

遙天波影雜霞無定

色湍文觸岸不成圓赤馬青龍

一作驪

交出浦飛雲蓋海遠凌煙蓮

樂府作連

舟

渡沙轉不礙桂櫂距浪弱難前風急金鳥翅自轉汀長錦纜影微懸榜人欲歌先扣枻津吏猶醉強持船河隄極望今如此行杯落葉詎虛傳

雙燕離

雙燕雙飛雙情相思容色已改故心不衰雙入幕雙出帷秋風去春風歸幕上危雙燕離銜羽一別涕泗垂夜夜孤飛誰相知左回右顧還相慕翩翩桂水不忍渡懸目挂心思越路縈鬱摧折意不泄願作鏡鸞相